



Broj: 03-34-534-2/19

Travnik, 09.12.2019. godine

Ministarstvo privrede Srednjobosanskog kantona na osnovu člana 20. Uredbe o mirnom rješavanju radnih sporova u Srednjobosanskom kantonu ("Službene novine Srednjobosanskog kantona", broj: 12/19) objavljuje

## **JAVNI POZIV**

### **za podnošenje prijava za imenovanje miritelja**

#### **I**

Pozivaju se zainteresovana lica da podnesu prijavu za imenovanje miritelja u skladu sa Uredbom o mirnom rješavanju radnih sporova u Srednjobosanskom kantonu .

#### **II**

Miriteljem se smatra lice koje kao član mirovnog vijeća posreduje između strana u individualnom, odnosno kolektivnom sporu, te daje prijedloge i preporuke, sa ciljem zaključivanja sporazuma o mirnom rješavanju radnog spora.

#### **III**

Za miritelja može da bude izabrano punoljetno lice koje ispunjava sljedeće uslove:

- a) da je državljanin Bosne i Hercegovine;
- b) VSS - VII/1 stepen odnosno da ima najmanje prvi ciklus preddiplomskog sistema studiranja, odgovarajuće struke, koje se vrednuje sa najmanje 240 ECTS bodova ili osoba koja ima završen prvi ciklus stručnog studija na visokoj školi odgovarajuće struke u trajanju najmanje četiri godine (sa stečenih 240 ECTS bodova) i najmanje pet godina radnog staža u oblasti radnih odnosa;
- c) da je istaknuti stručnjak u oblasti radnih odnosa, odnosno da ima iskustvo u oblasti socijalnog dijaloga i kolektivnog pregovaranja;
- d) da nije osuđivano za krivično djelo i da se protiv istog ne vodi krivični postupak.

#### **IV**

Uz prijavu potrebno je priložiti:

- a) uvjerenje o državljanstvu;
- b) ovjerenu kopiju diplome;
- c) dokaz o radnom iskustvu;
- d) uvjerenje da nije osuđivan za krivično djelo;
- e) uvjerenje o nevođenju krivičnog postupka.

#### **V**

Listu miritelja utvrđuje Ministar Ministarstva privrede Srednjobosanskog kantona u roku od 15 dana od dana isteka roka za podnošenje prijava na javni poziv.

## VI

Lista miritelja utvrđuje se na period od četiri godine i objavljuje se u „Službenim novinama Srednjobosanskog kantona“.

## VII

Prijave sa dokazima o ispunjavanju uslova javnog poziva podnose se u roku od 15 dana od dana objavljivanja Javnog poziva na web-stranici Vlade Srednjobosanskog kantona ([www.sbk-ksb.gov.ba](http://www.sbk-ksb.gov.ba)) i dnevnom listu Oslobođenje.

Prijave se dostavljaju lično na protokol u zgradi Vlade Srednjobosanskog kantona ili putem pošte adresirano na Ministarstvo privrede Srednjobosanskog kantona.

Nepotpune ili prijave podnesene po isteku roka neće se razmatrati.

Prijave dostaviti sa naznakom **“Javni poziv za podnošenje prijava za imenovanje miritelja”** na adresu: **Ministarstvo privrede Srednjobosanski kanton, Prnjavor 16, 72270 Travnik.**

MINISTAR

---

Nisvet Hrnjić